

A PAAR DR MIR HEI NO SI MIR - MIR SI KNALLER

Fasnacht 2016

Hoggsch is Auto, wottsch go schaffä,
Grinsä si di aa, wiä d'Affä.
Wiä Panini-Bildli sii si ghangä,
a Latärnä und a Schtangä.
Imhof, Wunderer, Murer, Buser
si mittlerwilä alles Looser

Mir Grübler wüssä ein, dir heit en gärn,
dr Roger Meier goht für eus uf Bärn.

Z'Bärn obä sctoht ä Zirkuszält,
s'git Vorfiehrigä für alli Wält.
Doch hets dört keini Tier zum domtierä,
nur ä Huffä Glöhn, wo diä schonglierä.
Eusä Alex het's o wunger gnoh,
Ob är dört würdi inä cho.
Leider hei sie ihn nid wellä dört,
do drüber sii mir ganz empört!

Mir Grübler wüssä einä, das lit nit färn,
dr Sabin' ihrä Maa, dä chönnt uf Bärn.

D'Grieche, diä heis schwer.
Ihri Kässeli si leer.

Us dr EU weiht ä scharfi Biisä,
d'Angie duet ä paar Euro überwiesä.
Bi eus im Baselbiet findet s' glichä schtatt,
do heisst dr Retter Basel-Schtadt.
80 Chischtä diä sie spändä.
Wie duet ächt das Ganzi ändä?

Mir Grübler fingä das mehr als schwach
und hoffe diä z'Lieschtel wärdä ändlich wach!

50 shades of Polizei.

Nei, i red nid vo Chrischt und Wey.
Bi dr Polizei muess d'Mannschaft sparä,
gli gsehsch sä mit em Trotti fahrä.
Hesch ä Problem und lütisch a,
ghörsch, mir hei grad kei freie Maa
10 Prozänt wei si jetz schtriichä
Guet für alli, wo um d'Hüuser schlichä.

Mir Grübler wei euch jetz frogä:
Het Lieschtel ä fuuli Chugelä gschobä?

Dr Blatter Seppli, dä chunt dra
D'FIFA suecht ä angerä Maa.

Ä bitz korrupt und Gäld verschwändet,
und s'Läbenswärk, das isch beändet.
Wiä dr Dagobert im Gäld schwümmä,
das goht vo jetz a alles nümä.
Jetzt schtellt mä-n-en halt grad uf d Schtross
drum isch är jetz o arbetslos

Mir Grübler finges glatt
D'WM findet in dr Chischtä schtatt

D'Gränzwach, diä macht d'Gränzä dicht,
d'Armee diä hilft, es isch ä Hit.

D'Polizei möcht au gärn hälfä,
doch muess si um meh Schtellä kämpfä.
Ueber d'Füürwehr gits o z'schnuurä,
s'neuä Dach loht Räägä duurä.
Und mir hei no angeri Bedänggä!
Cha ächt jedä um diä Kurvä ränggä?

Mir Grübler hoffe, s'blibt keinä schteggä
bi dr Füürwehrbrugg, däm scharfä Eggä.

Dr 1. Mai-Märt abseit, wägä Schturm.
Basejumpverbott vom Chilcheturm.

Und wägem Schturm ä Füürwärkverbott,
do frogsch di, wär no is Schtedtli wott.
Diä farbigä Eierbächer und Bänkli sii verblichä,
dr Schtadtroot het s'Budget zum Schtriichä gschtrichä.
Wenn diä no meh dr Muet verloht,
denn isch das Schtedtli nögstens tot.

Mir Grübler tiä zur Meinig neigä
dr Schtadtroot chönnt meh Ranzä zeigä.

NASEGRÜBLERGUGGE
LAUFEN1984

